





皇霸文紀卷第六

江東 梅鼎祚

纂輯

男士都

校閱

晉

獻公

名詭諸曲沃武公子其先周成王封同母弟叔虞于唐改號晉至文侯弟成師封于曲沃

傳及孫稱伐晉有其地是為武公

伐驪絲

國語晉獻公卜伐驪戎史蘇卜之曰勝而不吉遇兆曰

挾以銜骨齒牙為猾戎夏交猝

齒牙為猾以象讒口之為害也此為伐戎

獲驪姬亂

晉之兆

驪姬繇

晉獻公伐驪戎克之獲驪姬有寵欲以為夫人卜之不吉筮之吉公曰從筮卜



人曰筮短龜長不如從長且其絲曰云云及驪姬立果作難殺太子申生而逐二公子

專之渝攘公之瑜一薰一蕕十年尚猶有臭周切渝

叶同渝臭叶丑鳩切○渝變也攘除也瑜美也言變乃除公之美十年有臭言善易消惡難除也

伯姬繇左傳晉獻公筮嫁伯姬於秦遇歸妹之睽史蘇占之曰不吉其繇曰

上卦羊亦無益也女承筐亦無貺也西鄰責言不可

償也歸妹之睽猶無相也震之離亦離之震為雷為

火為羸敗姬車說其輓火焚其旗不利行師敗於宗

丘歸妹睽孤寇張之弧姪其從姑六年其逋逃歸其

國而棄其家明年其死於高粱之虛虛音荒丘叶丘

切○歸妹上六無應所求不獲故爻辭云女承筐無實士刳羊無血將歸女於西而遇不吉之卦故知有

震為雷離為火羸秦姓姬晉姓火動熾而害其母故

為女嫁反害其家害母者震木離火木為震之母也

原注未明震為車離為火上爻在震則應故車

脫輓在離則失位故火焚旗車敗旗焚故不利行師

還害母故敗在宗邑睽上九爻辭云睽先張之

弧處睽之極失位孤絕故遇寇難而有弓矢之警

震為木離為火從木生離為震妹於火為姑謂晉

公子圍質于秦穆公以女妻之子圍逃歸晉得立是

為懷公故秦女稱懷嬴秦復以妻公子重耳晉惠公

死之明年重耳入殺懷公於高粱是為文公皆其應也

惠公姬姓名夷吾獻公子  
遺里克書獻公薨公子夷吾重耳俱在外里克殺奚齊悼子夷吾使卻芮厚賂秦約曰即得入請以河西之地與秦又遺里克書秦穆公發兵送夷吾入而立焉是為惠公惠公入殺里克而背秦之賂



誠得立請遂封子於汾陽之邑

左傳

與人誦

誦國語曰晉惠公入而背內外之賂與人五許里克以汾陽之田百萬不鄭負葵之田七十萬及入立皆背之秦伐晉戰于韓原獲晉侯既而歸之

佞之見佞果喪其田詐之見詐果喪其賂得國而狃

終逢其咎喪田不懲禍亂其興

佞叶稱因切田音與陳同詐叶莊助反

佞謂里不許謂秦見佞見詐俱謂惠公也喪田喪賂謂不得其賂地知怵也外謂惠公敗於韓不懲謂不鄭復欲與秦共納重耳惠公殺之

恭世子誦

國語晉惠公改葬其世子臯達于外改葬其君以為榮也而惡滋章十四年君之冢嗣其替乎其數告於民矣公子重耳其入

乎其魄兆於民矣若入必伯諸侯以見天子其光歌於民矣○共世子申生也獻公時申生為驪姬譖死葬不如禮故改葬之惠公烝於獻公夫人賈君故申生臯達於外不欲為無禮者所葬也

貞之無報也孰是人斯而有是臭也貞為不聽信為

不誠國斯無刑媮居幸生不更厥貞大命其傾威兮

懷兮各聚爾有以待所歸兮猗兮違兮心之哀兮歲

之二七其靡有微兮若翟公子吾是之依兮鎮撫國

家為王妃兮

報叶敷救切懷叶胡威切哀叶於希切○以正葬之不見聽也信心行之不見

誠也惠公偷竊居位徼幸而生國人畏惠公思重耳也靡有微者亦亡謂子圉也翟公子指重耳時出居於翟也言重耳當霸諸侯為王妃耦



輿人誦

左傳晉侯宋公齊國歸父崔夭秦小子憇次於城濮楚師背鄒而舍晉侯患之聽輿人之誦子犯曰戰也戰而勝必得諸侯樂貞子曰漢陽諸姬楚實盡之思小惠而忘大恥不如戰也楚師敗績

原田每每舍其舊而新是謀

每平聲謀音媒○每每美貌喻晉軍美盛若原

田之草每每然可以謀立新功不足念楚成王贈送之舊惠也

文公

名重耳獻公子

合諸侯盟

說苑晉文公合諸侯而盟於是君子聞之曰文公其知道乎其不王者猶

無佐也

吾聞國之昏不由聲色必由姦利好樂聲色者淫也

貪姦者惑也夫淫惑之國不亡必殘自今以來無以

美妾疑妻無以聲樂妨正無以姦情害公無以貨利

示下其有之者是謂伐其根素流於華葉若此者有

患無憂有寇勿弭不如言者盟示之正一作政

厲公

名壽曼景公子

鄆陵繇

左傳晉侯將伐鄆鄆人使去於楚楚子救鄆六月晉楚遇於鄆陵厲公筮之史

曰吉其卦遇復曰

南國蹶射其元王中厥目

復陽長之卦陽起於于南行催陰離受其外離為諸

侯又為日陽氣激南飛矢之象及戰射楚元王中目

平公

名彪悼公子

賜鄭公孫段策



鄭伯如晉公孫段相甚敬而卑禮無違者晉侯嘉焉授之以策

子豐有勞於晉國余聞而勿忘賜女州田以胙乃舊

勲左傳○子豐段父州田晉邑

讒鼎銘左傳晏嬰為景公請繼室于晉叔向從之宴相與語曰齊其如何晏子曰此季

世也齊其將為陳氏矣叔向曰吾公室亦季世也政在家門民無所依君曰不悛以樂怡

憂讒鼎之銘曰云云况日不悛其能久乎○案杜注讒鼎名也正義服虔云疾讒之鼎也

明堂位所云崇鼎一云讒地名禹錫鼎于甘讒之地故云二者無據故杜仲未詳名而已

據後說則此為夏鼎也門不然亦非晉鼎矣韓非子齊伐魯索讒鼎用序紀聞云韓子說

林曰齊伐魯索讒鼎魯以其馬往齊人曰鴈也魯人曰真也齊曰使樂正子春來吾將聽

子新序呂氏春秋皆曰岑鼎二字音相近然則讒鼎魯鼎也明堂位魯有崇鼎服注不為

無據○鼎按魯鼎之銘晉人不應引用明堂位崇鼎貫鼎大璜封父龜天子之器也豈此

本周器而以頒魯者耶宣和博古圖說云曰崇曰貫名其國也曰讒曰刑著其事也則讒

又非崇矣王厚伯謂讒岑聲近亦是臆說今以言出叔向姑附之晉然銘止昧旦二語况

日不悛正應君日不悛叔向之言也馮氏詩紀併况日不悛其能久乎作銘怠音以久叶

苟起反又以為晏嬰引言並誤古文韻語止二句

昧旦不顯後世猶怠

韓城鼎銘一百十九字○歐陽修集古錄云原父得鼎韓城遺余以銘太常博士楊

南仲能讀古文篆籀為余以今文寫之而闕其疑者與原父時有不同故并著二家所解

以疾博識君子○考古圖作晉姜鼎銘見後劉敞原父釋銘文有晉姜有文侯以為曲沃

宗廟器



惟王九月乙亥晉姜曰余惟司朕先姑君晉邦余不

安寧丕維明德宣 我猷用 所辭辟

剽虔不 呂寵我萬民嘉遺我錫鹵賚千兩

今灋文侯 征綏 堅久吉金用作

寶尊鼎用康釁妥懷遠邦君子晉姜用斲 麋壽

作惠 亟萬年無疆用德峻保其孫子三壽是利

楊南仲釋

佳惟王九月乙亥晉姜曰余佳惟司嗣享同朕先姑君

晉邦余不叟者籀文省安寧丕經鏞離明德宣祁疑

倫卹我酬用留彳辟疑妣疑母疑字疑翬久光剽虔不余疑

字讀諸魯享享白師臂我萬民亂遷我汭疑易

鹵或留字省賚千兩勿灋文侯頽令畢疑畢疑母字

通通少征疑繇疑湯疑皦疑受久吉金用亡倫寶罇傳

鼎用康釁疑夏疑字疑女疑為疑綏疑襄疑縻疑切疑君子晉姜用斲疑旂疑

為疑綽疑縮疑嘖疑疑疑釁疑字疑翬疑山疑筮疑象疑為疑亟疑極疑萬年疑無疑疆疑疆疑用疑

高疑享疑用德疑眈疑允疑係疑凶疑其疑孫子三疑翬疑是疑料疑右疑嘉疑祐疑已疑

有得鼎疑韓城者疑摹疑款疑識疑于石樂安公南仲職典書學

命釋其字謹按其銘蓋多古文奇字古文自漢世知

者已稀字之傳者賈逵許慎輩多無其說蓋古之事

物有不與後世同者故不能盡通其作字之本意也

其不傳者今或得於古器無所依據難以臆斷大抵

古字多省偏旁而趣簡易故佳司丕自亡等字皆假

借也鄭司農說周禮云古者書儀但為義又云古者

立位同字古文春秋經公即位為公即位者是也



敵者進取也。从受，故叕疑為敵。叕，母从女而象乳子形，故姪疑為母而繇讀為繇。離用邕聲，邕从巛，古文文作營，今此巛从水从呂，故疑為離。魯字古作𡗗，即旅字，古文旅作𡗗，而啓者字用𡗗為聲，蓋古文魯旅者三字通用，故讀疑為諸。易者篆文象蜥易形，故邕疑為易而讀為錫，為賜皆以聲假借也。鹵从肉，占西字中象鹽形，胃胃上象胃中穀形，故𠩺胃二字。卑者从力在甲下，力今但用左古者尚右，故力在甲下為卑，故疑為卑，亦恐借為俾讀。世音冠象穿寶貨形，貫字从之，聿或即母字，今毛詩有串夷字，俗用為串穿之串，而說文不載，豈非聿字之省也。故疑串讀為貫。通从之，彳之字多通用，故循疑為通。古詩二字相屬者多為一字，書之若秦鍾銘有字，秦鍾銘亦有此字。安字說文無之，蓋古緩字省系，余其後相承讀如嬌，故安疑讀為緩。从音，偃石鼓文皆作𠩺，古之旌旂悉載於車，故疑讀即旌字，而從車借讀為祈，近嘗有得敦監田者，二銘皆有𠩺，而萬焉之文，故知然也。釁，今幡為許刃而釁，芭之釁音門，用之為聲，詩鳧鷖在釁，又省為釁，易繫辭釁又讀。

如尾釁門，尾聲相近。又古者字音多與今異，徐鉉所謂如自亦音釁，亦音門，乃亦音仍，它皆倣此是也。豈釁眉古亦同音，歟。秦鐘銘亦有釁，焉字故釁疑為眉，為者母猴也。从爪而象其形，故象為為。晚字字書所無，而於文執宜為允，蓋用𠩺省聲也。它字不可識者，猶十一二與其偏旁之異者，若到馬，今揆之類，皆今所不傳，以小篆參求之，不能彷彿。今揆之其間，或當時書者鑄器者，不必無誤，誤矣。嘉祐壬寅冬十月，太常博士知國子監書學豫章楊南仲識。

晉姜鼎銘

博古圖〇一百二十二字

惟王九月乙亥，晉姜曰：余惟嗣朕先姑君晉邦，余不辱，安寧，經雍明德，宣邴我猷，用昭所辭，辟委揚乃光。烈虔不墜，譖覃亭以孽我萬民，嘉遣我錫虎賁千兩，勿廢文侯，頽命畏貫，通弘征綏，湯原取乃吉，金用作。



寶尊鼎用康頤安懷遠廷君子晉姜用斬綽縮眉壽  
作惠為亟萬年無疆用享用德峻保其孫子三壽是

利晉姜齊侯宗女姜氏以其妻晉文侯故曰晉姜觀  
文侯威貫通洪征綏湯原以顯己之稱以正其名中敘  
孫子三壽是利與詩人言三壽作朋同意欵識條理  
有周書誓誥之辭其困學紀聞云安世房中歌克綽  
未福顏氏注綏也延長之意曰綽縮則祝以優裕也  
伯頌父鼎銘亦曰縮綽○徐獻忠云蓋晉姜既歿而  
後世章其廟德故作此鼎○博古圖以三壽為外之  
三卿非

### 晉夷則鏡文

博異記天寶中金陵陳仲躬住洛陽清化里宅有井善溺人一日水頓竭見一女子自稱敬元頽飾鉛粉衣緋綠令其淘井得古銅鏡夜復見元頽云某本師曠所鑄十二鏡之第七者其背有二十八字皆料斗書於鼻題曰夷則之鏡

維晉新公二年七月七日午時於首陽山前白龍潭

鑄成此鏡千年萬世萬一作後一作在

### 祖朝

### 上獻公書

晉獻公之時東郭民有祖朝者上書獻公獻公召而見之三曰與語無復憂者乃以為師

草茅臣東郭民祖朝願請聞國家之計說苑

介子推一云介之推琴操作介子綏劉向列仙傳云介子推姓王名光

### 懸宮門書

獻公殺太子公子重耳夷吾出亡夷吾立為惠公子懷公立秦使晉弑之而內重耳是為文公反國賞從亡者介子推不言祿祿亦不及與其母遂偕隱從者憐之乃懸書宮門公



出見書曰此介子推也使人召之亡入綿上山中於是環絲上山而封之因號曰介山

龍欲上天五蛇為輔龍已升雲四蛇各入其宇一蛇

獨怨終不見處所史記○索隱曰五蛇即五臣狐偃趙衰魏武子司空季子及子推也

同前說苑亦云懸書宮門呂氏春秋新序琴操並作歌其辭互異說苑又作舟之僑陳辭

有龍矯矯頃失其所五蛇從之周徧天下龍饑無食

一蛇割股龍反其淵安其壤土四蛇入穴皆有處所

一蛇無穴號于中野

士燮范文子士燮會之于

### 會楚盟

宋華元克合晉楚之成晉士燮會楚公子罷許偃癸亥盟於宋西門之外

凡晉楚無相加戎好惡同之同恤菑危備救凶患若

有害楚則晉伐之在晉楚亦如之交賅往來道路無

壅謀其不協而討不庭有渝此盟明神殛之俾隊其

師無克胙國左傳

士匄范宣子文士燮之子

### 合諸侯載書

晉合諸侯伐鄭鄭行成乃同盟于亳范宣子曰不愼必失諸侯乃盟載書曰

凡我同盟毋濫年毋壅利毋保姦毋留惡救災患恤

禍亂同好惡獎王室或開茲命司慎司盟名山名川

羣神羣祀先王先公七姓十二國之祖明神殛之俾



失其民隊命亾氏踣其國家 左傳

士弱 莊子

### 盟鄭載書

諸侯伐鄭鄭服而同盟于戲士莊子為載書鄭公子駢進曰云云

寡人有討於郤氏郤氏既伏其辜矣大夫無辱其復職位

### 樂書中行偃對

君討有辜而免臣于死君之惠也二臣雖死敢忘君

德 左傳

荀偃 中行獻子伯游庚之子

### 禱河

平公伐齊將濟河獻子以朱絲繫玉二穀而禱曰

齊環怙恃其險負其衆庶弃好背盟陵虐神主曾臣

彪將率諸侯以討焉其官臣偃實先後之苟捷有功

無作神羞官臣偃無敢復濟唯爾有神裁之 左傳○環齊靈

公名彪管平公名

樂盈 懷子

### 辭于周行人

盈父厲娶于范宣子而生盈初厲強逐范鞅使奔齊及厲卒盈母祁與其老州賓通懼盈之討也愬諸宣子曰盈將為亂宣子使城著而遂逐之過于周周西鄙掠之辭于行人王



使候出  
諸轅轅

天子陪臣盈得臯于王之守臣將逃臯臯重于郊甸  
無所伏竄敢布其死昔陪臣書能輸力于王室王施  
惠焉其子靨不能保任其父之勞大君若不弃書之  
力亾臣猶有所逃若弃書之力而思靨之臯臣戮餘  
也將歸死于尉氏不敢還矣敢布四體唯大君命焉

左傳○欒武  
子書靨之父

魏絳

畢萬之孫萬事獻公為  
大夫賜之魏以魏為氏

授悼公書

悼公名周  
襄公會孫

悼公會諸侯於雞丘絳為中軍司馬公子揚  
干亂行于曲梁魏絳戮其僕晉侯怒曰必殺

魏絳言終絳至授僕人書將伏劍士魴張老  
止之公讀其書跣而出曰寡人之言親愛也  
吾子之討軍禮也寡人有弟弗能教訓使干  
大命寡人之過也子無重寡人之過敢以為  
請晉侯以魏絳為能以刑佐民  
矣反役與之禮食使佐新軍

日君乏使使臣斯司馬臣聞師衆以顯為武軍事有  
歿無犯為敬君令諸侯臣敢不敬君師不武執事不  
敬罪莫大焉臣懼其死以及揚干無所逃罪不能致  
訓至於用鉞臣之罪重敢有不從以怒君心請歸死  
於司寇 左傳

同前 國語

臣誅於揚干不忘其死日君乏使使臣狃中軍之司



馬臣聞師衆以順爲武軍事有死無犯爲敬君合諸  
侯臣敢不敬君不說請死之

羊舌肸

叔向羊舌肸職之子

詒鄭公孫僑鑄刑書

鄭人鑄刑書叔向使詒于產書于產以書復之上文伯曰火見鄭其火乎火未出而作火以鑄刑器藏乎辟馬火如象之不火何爲鄭果災

始吾有虞於子今則已矣昔先王議事以制不爲刑  
辟懼民之有爭心也猶不刑禁禦是故閑之以義糾  
之以政行之以禮守之以信奉之以仁制爲祿位以  
勸其從嚴斷刑罰以威其淫懼其未也故誨之以忠  
聳之以行教之以務使之以和臨之以敬涖之以彊  
斷之以剛猶求聖哲之上明察之官忠信之長慈惠  
之師民於是乎可任使也而不生禍亂民知有辟則  
不忌於上竝有爭心以徵於書而徵幸以成之弗可  
爲矣夏有亂政而作禹刑商有亂政而作湯刑周有  
亂政而作九刑三辟之興皆叔世也今吾子相鄭國  
作封洫立謗政制參辟鑄刑書將以靖民不亦難乎  
詩曰儀式刑文王之德日靖四方又曰儀刑文王萬  
邦作孚如是何辟之有民知爭端矣將棄禮而徵於  
書錐刀之末將盡爭之亂獄滋豐賄賂竝行終子之



世鄭其敗虜肝聞之國將亡必多制其此之謂虜

公孫僑復叔向書僑見後

若吾子之言僑不才不能及子孫吾以救世也既不

承命敢忘大惠左傳

讒萇弘書

叔向之讒萇弘也為書因佯遺其書周君之庭而急去行周以弘為賣周也乃誅殺之

萇弘謂叔向曰子為我謂晉君所與君期者時可矣

何不亟以兵來韓非

同前說苑

叔向之殺萇弘也數見萇弘于周因佯遺書劉氏請之君曰此萇弘也乃殺之

萇弘謂叔向曰子起晉國之兵以攻周吾廢劉氏而

立單氏

鄭

公子歸生子家鄭執政大夫

告晉趙盾書宣子晉正卿

晉靈公蒐於黃父遂合諸侯於扈不見鄭穆公以為成於楚也鄭子家使執訊而與之書以告宣子晉鞅朔行成於鄭趙穿公墮池為質焉

寡君即位三年召蔡侯而與之事君九月蔡侯入於

敝邑以行敝邑以侯宣多之難寡君是以不得與蔡

侯偕十一月克滅侯宣多而隨蔡侯以朝于執事十



二年六月歸生佐寡君之嫡夷以請陳侯於楚而朝諸君十四年七月寡君又朝以蒧陳事十五年五月陳侯自敝邑往朝於君往年正月燭之武往朝夷也八月寡君又往朝以陳蔡之密邇於楚而不敢貳焉則敝邑之故也雖敝邑之事君何以不免在位之中一朝于襄而再見于君夷與孤之二三臣相及於絳雖我小國則蔑以過之矣今大國曰爾未逞吾志敝邑有亡無以加焉古人有言曰畏首畏尾身其餘幾又曰鹿死不擇音小國之事大國也德則其入也不德則其鹿也鋌而走險急何能擇命之罔極亦知亾

矣將悉敝賦以待於儵惟執事命之文公二年六月

壬申朝於齊四年二月壬戌爲齊侵蔡亦獲成於楚

居大國之間而從於彊令豈其罪也大國若弗圖無

所逃命

左傳○夷穆公大子卽靈公○蒧音闡勅也勅成前好音音陰所休陰之處

公孫僑

子產一字子美穆公孫爲少正

告晉范宣子士匄論重幣書

士匄文子士燮子其先食邑于范

范宣子爲政諸侯之幣重鄭人病之鄭伯如晉子產寓書於子西以告宣子宣子說乃輕幣○鄭伯簡公姬姓其先周厲王少子友封于鄭

子爲晉國四鄰諸侯不聞令德而聞重幣僑也惑之僑聞君子長國家者非無賄之患而無令名之難夫



諸侯之賄聚於公室則諸侯貳若吾子賴之則晉國  
 貳諸侯貳則晉國壞晉國貳則子之家壞何沒沒也  
 將焉用賄夫令名德之興也德國家之基也有基無  
 壞無亦是務乎有德則樂樂則能久詩云樂只君子  
 邦家之基有令德也夫上帝臨女無貳爾心有令名  
 也夫恕思以明德則令名載而行之是以遠至邇安  
 毋寧使人謂子子實生我而謂子浚我以生乎象有  
 齒以焚其身賄也 左傳

子產誦一章○左傳曰鄭子產從政一  
 年輿人誦之及三年又誦之

取我衣冠而褚之取我田疇而伍之孰殺子產吾其

與之

又誦

我有子弟子產誨之我有田疇子產殖之子產而死

誰其嗣之 誨古叶志值  
 叶恃吏反

宋

正考父 微子之後孔子之先初微子封于宋宋襄  
 公生弗父何讓位弟厲公四世為正考父

生孔父嘉別族孔氏  
 三傳至孔防叔奔魯

鼎銘 左傳魯孟僖子曰吾聞將有達者曰孔丘  
 其祖弗父何及正考父佐戴武宣三命茲

益共故其鼎銘云其共  
 也如是○鼎在考父廟

一命而僂再命而偃三命而俯循墻而走亦莫余敢



侮餽於是鬻於是以餬余口走叶祖口叶孔五切○三命上卿

韓馮妻何氏九域志馮康王舍人

遺夫書

宋大夫韓馮取妻而美康王奪之而馮怨王因之論為城旦妻遺馮書謬其辭王以問蘇賀對曰其雨淫淫言愁且思也河大水深不得往來也日出當心有死志也俄而馮自殺妻乃陰腐其衣王與之登臺遂自臺投之左右攬之衣不中手遺書與王王怒弗聽使人相就根交于下又有文梓生于二塚之端屈體上交頸悲鳴宋人號其木曰相思樹今睢陽有韓馮城

其雨淫淫河大水深日出當心彤管集作何氏答夫歌

與康王書康王名衍為齊所滅宋亡其先周成王封殷微子啓于宋

王利其生不利其死願以屍骨賜馮而合葬乎干寶搜神

記○不利其死九域志法苑珠林作妾利其死

許

靈公

鄒子鍾銘考古圖

惟正月初吉丁亥鄒子將以擇其吉金自作鈴鍾中縣且揚元鳴孔醴穆和鐘用宴以喜用樂嘉賓大夫及我朋友數數鏘鏘萬年無期眉壽無已子子孫孫永保鼓之史記鄒悼公元年鄒公患鄒于楚徐廣曰鄒音許許公靈公也鄒許文異而音義同

爵子

文已

皇朝卷六

六



衛

靈公

名元襄公子立四年其先文王之康叔封于衛

石槨銘

銘博物志衛靈公葬得石槨作掘沙丘得石槨銘

不逢箕子靈公奪我里

六不為其子靈公奪而里六不為其子靈公奪而藏

之

莊公

名蒯聩靈公子

禱辭

蒯聩謀人衛遇師人戰上勝高

曾孫蒯聩敢昭告皇祖文王烈祖康叔文祖襄公鄭

勝亂從晉午在難不能治亂使鞅討之蒯聩不敢自

佚備持矛焉敢告無絕筋無折骨無面傷以集大事

無作三祖羞大命不敢請佩玉不敢愛

左傳○勝鄭聲公名午晉

定公名○國語云曾孫蒯聩以詩趙鞅之故敢昭告于皇祖文王烈祖康叔文祖襄公昭考靈公夷請無

筋無骨無面傷無敗用無隕懼死不敢請

策夢諱良夫繇

左傳初蒯聩為太子出在戚靈公卒國人立其子輒蒯聩與諱

良夫盟曰苟使我入服宛束軒死無與良夫孔氏堅也迫孔懼遂輒得立是為莊公謂

良夫曰吾繼先君而不得其器若之何良夫曰疾與亡君皆君之子也召之而擇材焉若

不材器可得也太子疾劫公而強盟之明年為虎帷於楛圃成未令名者而與之始食焉

太子請使良夫良夫乘輿向兩牡紫衣狐裘至初裘不釋劍而食太子數以三罪而殺之

公夢于北宮見人登昆吾之觀被髮北面而諫曰登此昆吾之虛縣縣生之瓜余為諱良



夫叫天無辜公親筮之胥彌赦占之曰不害  
逃奔宋公貞卜其繇云云晉伐衛石圃作難  
攻公公閉門請弗許踰于  
北方而隊為戎州人所殺

如魚窺衡流而方羊裔焉大國滅之將亡闔門塞竇

乃自後踰窺音赫亦也魚勞則尾赤衡流方羊不能自安裔水邊

甯俞武子莊子

與衛人盟成公初欲與楚羣臣不欲出奔楚晉人復成公武子與衛人盟于宛濮

天禍衛國君臣不協以及此憂也今天誘其衷使皆

降心以相從也不有居者誰守社稷不有行者誰扞

牧圉不協之故用昭乞盟于爾大神以誘天衷自今

日以往既盟之後行者無保其力居者無懼其罪有

渝此盟以相及也明神先君是糾是殛左傳

孫林父文子嗣父桓子良夫為卿

卜追鄭師繇左傳楚伐宋衛侯救宋師於襄牛鄭皇耳帥師侵衛楚令也孫文子

上追之獻兆於定姜姜氏曰征者喪雄禦寇之利也大大國之衛人追之獲鄭

皇耳於犬丘○定姜衛定公夫人衛侯襄公也

兆如山陵有夫出征而喪其雄陵川良中反

孔悝莊叔之後文子圍之子母伯姬為莊公姊悝初事出公輒為卿已出輒立莊公為所逐奔

宋

鼎銘禮記祭統此衛孔悝之鼎銘也古之君子論譔其先祖之美而明著之後世者也

注云莊公崩贖德孔悝立已故因至廟禘祭賜銘以褒顯其先世也案此為孔氏所追



述銘于丞祭之鼎  
非莊公賜銘也

六月丁亥公假于太廟公曰叔舅乃祖莊叔左右成  
公成公乃命莊叔隨難于漢陽即宮于宗周奔走無  
射啓右獻公獻公乃命成叔績乃祖服乃考文叔興  
舊耆欲作率慶士躬恤衛國其勤公家夙夜不懈民  
咸曰休哉公曰叔舅予女銘若績乃考服悝拜稽首  
曰對揚以辟之勤大命施于丞彝鼎異姓大夫年幼故稱叔舅莊叔  
悝七世祖孔達也成公嘗為晉所伐奔楚反國又殺弟武叔管人執歸京師寘諸深室莊叔奔走其間至勞不厭其餘功流於後世猶能助佑成公之曾孫獻公而成叔為莊叔之孫及悝考文子孔圉皆能遵舊而興起之也○慶士即卿士

宋石尺牘作魏宋石誤

遺荆衛君書

宋石衛將也衛君荆將也兩國構難二子皆將石遺衛君書

二君相當兩旗相望惟母一戰戰必不兩存此乃兩  
主之事也與子無有私怨善者相避也韓非子○怨下一有也字



皇朝文紀卷第六

皇朝文紀卷第七

江東 梅鼎祚

纂輯

男士都 校閱

衛

卜商 衛人字子夏孔子弟子

周南詩序

舊說云關雎至用之邦國焉名關雎序謂之小序自風風也訖木名為大

序王肅沈重云大序是子夏作小序子夏毛

公合作又或以為孔子或為國史後漢書儒

林傳謂東海衛宏作隋志云子夏所創毛公

與宏潤色之文選毛詩註疏並止作關雎序  
總論詩之綱領無大小之異朱子取詩者志  
之所之至詩之至也為大序前後為小序  
關雎后妃之德也風之始也所以風化天下而正夫



婦也故用之鄉人焉用之邦國焉風風也教也風以動之教以化之詩者志之所之也在心爲志發言爲詩情動於中而形於言言之不足故嗟歎之嗟歎之不足故永歌之永歌之不足不知手之舞之足之蹈之也情發於聲聲成文謂之音治世之音安以樂其政和亂世之音怨以怒其政乖亡國之音哀以思其民困故正得失動天地感鬼神莫近於詩先王以是經夫婦成孝敬厚人倫美教化移風俗故詩有六義焉一曰風二曰賦三曰比四曰興五曰雅六曰頌上以風化下下以風刺上主文而譎諫言之者無罪聞之者足以自戒故曰風至于王道衰禮義廢政教失國異政家殊俗而變風變雅作矣國史明乎得失之跡傷人倫之廢哀刑政之苛吟詠情性以風其上達於事變而懷其舊俗者也故變風發乎情止乎禮義發乎情民之性也止乎禮義先王之澤也是以一國之事繫一人之本謂之風言天下之事形四方之風謂之雅雅者正也言王政之所由廢興也政有小大故有小雅焉有大雅焉頌者美聖德之形容以其成功告於神明者也是謂四始詩之至也然則關雎麟趾之化王者之風故繫之周南言化自北而南也鵲



巢騶虞之德諸侯之風也先王之所以教故繫之召  
公周南召南正始之道王化之基是以關雎樂得淑  
女以配君子憂在進賢不淫其色哀窈窕思賢才而  
無傷善之心焉是關雎之義也

葛覃后妃之本也后妃在父母家則志在於女功之  
事躬儉節用服澣濯之衣尊敬師傅則可以歸寧父  
母化天下以婦道也

卷耳后妃之志也又當輔佐君子求賢審官知臣下  
之勤勞內有進賢之志而無險詖私謁之心朝夕思  
念至於憂勤也

樛木后妃逮下也言能逮下而無嫉妬之心焉  
螽斯后妃子孫衆多也言若螽斯不妬忌則子孫衆  
多也

桃夭后妃之所致也不妬忌則男女以正婚姻以時  
國無鰥民也

兔窟后妃之化也關雎之化行則莫不好德賢人衆  
多也

采芣后妃之美也和平則婦人樂有君子矣

漢廣德廣所及也文王之道被于南國美化行乎江  
漢之域無思犯禮求而不可得也



汝墳道化行也文王之化行乎汝墳之國婦人能閔其君子猶勉之以正也

麟之趾關雎之應也關雎之化行則天下無犯非禮雖衰世之公子皆信厚如麟趾之時也

### 召南詩序

鵲巢夫人之德也國君積行累功以致爵位夫人起家而居有之德如鳴鳩乃可以配焉

采芣夫人不失職也夫人可以奉祭祀則不失職矣草蟲大夫妻能以禮自防也

采蘋大夫妻能循法度也能循法度則可以承先祖共祭祀矣

甘棠美召伯也召伯之教明於南國行露召伯聽訟也衰亂之俗微貞信之教興強暴之

男不能侵陵貞女也

羔羊鵲巢之功致也召南之國化文王之政在位皆節儉正直德如羔羊也

殷其雷勸以義也召南之大夫遠行從政不遑寧處其室家能閔其勤勞勸以義也

標有梅男女及時也召南之國被文王之化男女得以及時也



小星惠及下也。夫人無妬忌之行，惠及賤妾，進御於君，知其命有貴賤，能盡其心矣。

江有汜，美媵也。勤而無怨，嫡能悔過也。文王之時，江沱之間，有嫡不以其媵備數，媵遇勞而無怨，嫡亦自悔也。

野有死麇，惡無禮也。天下大亂，強暴相凌，遂成淫風，被文王之化，雖當亂世，猶惡無禮也。

何彼穠矣，美王姬也。雖則王姬，亦下嫁於諸侯，車服不繫其夫，下王后一等，猶執婦道，以成肅雝之德也。騶虞，鵲巢之應也。鵲巢之化，行人倫既正，朝廷既治，天下純被文王之化，則庶類蕃殖，蒐田以時，仁如騶虞，則王道成也。

### 邶風詩序

柏舟言仁而不遇也。衛頃公之時，仁人不遇，小人在側。

綠衣衛莊姜傷已也。妾二信夫人失位而作是詩也。燕燕衛莊姜送歸妾也。

日月衛莊姜傷已也。遭州吁之難，傷已不見，答於先君，以至困窮之詩也。

終風衛莊姜傷已也。遭州吁之暴，見侮慢而不能正。



也

擊鼓怨州吁也衛州吁用兵暴亂使公孫文仲將而平陳與宋國人怨其勇而無禮也

凱風美孝子也衛之淫風流行雖有七子之母猶不能安其室故美七子能盡其孝道以慰其母心而成其志爾

雄雉刺衛宣公也淫亂不恤國事軍旅數起大夫久役男女怨曠國人患之而作是詩

匏有苦葉刺衛宣公也公與夫人並爲淫亂

谷風刺夫婦失道也衛人化其上淫於新昏而棄其舊室夫婦離絕國俗傷敗焉

式微黎侯寓于衛其臣勸以歸也

旄丘責衛伯也狄人迫逐黎侯黎侯寓于衛衛不能脩方伯連率之職黎之臣子以責於衛也

簡兮刺不用賢也衛之賢者任於伶官皆可以承事王者也

泉水衛女思歸也嫁於諸侯父母終思歸寧而不得故作是詩以自見也

北門刺士不得志也言衛之忠臣不得其志爾

北風刺虐也衛國並爲威虐百姓不親莫不相攜持



而去焉

靜女刺時也衛君無道夫人無德

新臺刺衛宣公也納伋之妻作新臺于河上而要之國之人惡之而作是詩也

二子乘舟思伋壽也衛宣公之二子爭相爲死國人傷而思之作是詩也

### 鄘風詩序

栢舟共姜自誓也衛世子共伯蚤死其妻守義父母欲奪而嫁之誓而弗許故作是詩以絕之

牆有茨衛人刺其上也公子頑通乎君母國人疾之而不可道也

君子偕老刺衛夫人也夫人淫亂失事君子之道故陳人君之德服飾之盛宜與君子偕老也

桑中刺奔也衛之公室淫亂男女相奔至于世族在位相竊妻妾期於幽遠政散民流而不可止

鶉之奔奔刺衛宣姜也衛人以爲宣姜鶉鶉之不若也

定之方中美衛文公也衛爲狄所滅東徙渡河野處漕邑齊桓公攘戎狄而封之文公徙居楚丘始建城市而營宮室得其時制百姓說之國家殷富焉



文紀  
皇朝卷一  
蝮螻止奔也。衛文公能以道化其民，淫奔之恥，國人  
不齒也。

相鼠刺無禮也。衛文公能正其羣臣，而刺在位承先  
君之化，無禮儀也。

干旄美好善也。衛文公臣子多好善，賢者樂告以善  
道也。

載馳許穆夫人作也。閔其宗國顛覆，自傷不能救也。  
衛懿公爲狄人所滅，國人分散，露於漕邑。許穆夫人  
閔衛之亡，傷許之小力不能救，思歸唁其兄，又義不  
得，故賦是詩也。

### 衛風詩序

淇澳美武公之德也。有文章又能聽其規諫，以禮自  
防，故能入相於周。美而作是詩也。

考槃刺莊公也。不能繼先公之業，使賢者退而窮處。  
碩人閔莊姜，莊公惑於嬖妾，使驕上僭，莊姜賢而不  
荅，終以無子。國人閔而憂之。

氓刺時也。宣公之時，禮義消亡，淫風大行，男女無別  
遂相奔誘，華落色衰，復相棄背，或乃困而自悔，喪其  
妃耦，故序其事以風焉。美反正刺淫泆也。

竹竿衛女思歸也。適異國而不見，荅思而能以禮者。



也

芄蘭刺惠公也驕而無禮大夫刺之

河廣宋襄公母歸于衛思而不止故作是詩也

伯兮刺時也言君子行役爲王前驅過時而不反焉  
有狐刺時也衛之男女失時喪其妃耦焉古者國有  
凶荒則殺禮而多昏會男女之無夫家者所以育人  
民也

木瓜美齊桓公也衛國有狄人之敗出處于漕齊桓  
公救而封之遺之車馬器服焉衛人思之欲厚報之  
而作是詩也

### 王風詩序

黍離閔宗周也周大夫行役至于宗周過故宗廟宮  
室盡爲禾黍閔周室之顛覆彷徨不忍去而作是詩  
也

君子行役刺平王也君子行役無期度大夫思其危  
難以風焉

君子陽陽閔周也君子遭亂相招爲祿仕全身遠害  
而已

揚之水刺平王也不撫其民而遠屯戍于母家周人  
怨思焉



中谷有推閔周也夫婦日以衰薄凶年饑饉室家相棄爾

免爰閔周也桓王失信諸侯背叛構怨連禍王師傷敗君子不樂其生焉

葛藟王族刺平王也周室道衰棄其九族焉采葛懼讒也

大車刺周大夫也禮義陵遲男女淫奔故陳古以刺今大夫不能聽男女之訟焉

丘中有麻思賢也莊王不明賢人放逐國人思之而作是詩也

### 鄭風詩序

緇衣美武公也父子並爲周司徒善於其職國人宜之故美其德以明有國善善之功焉

將仲子刺莊公也不勝其母以害其弟弟叔失道而公弗制祭仲諫而公弗聽小不忍以致大亂焉

叔于田刺莊公也叔處于京繕甲治兵以出于田國人說而歸之

大叔于田刺莊公也叔多才而好勇不義而得衆也清人刺文公也高克好利而不顧其君文公惡而欲遠之不能能使高克將兵而禦狄于竟陳其師旅翺



翔河上久而不召衆散而歸高克奔陳公子素惡高克進之不以禮文公退之不以道危國亡師之本故作是詩也

羔裘刺朝也言古之君子以風其朝焉

遵大路思君子也莊公失道君子去之國人思望焉女曰雞鳴刺不說德也陳古義以刺今不說德而好色也

有女同車刺忽也鄭人刺忽之不昏于齊太子忽嘗有功于齊齊侯請妻之齊女賢而不取卒以無大國之助至于見逐故國人刺之

山有扶蘇刺忽也所美非美然

籜兮刺忽也君弱臣彊不倡而和也

狡童刺忽也不能與賢人圖事權臣擅命也

褰裳思見正也狂童恣行國人思大國之正已也

羊刺亂也昏姻之道缺陽倡而陰不和男行而女不隨

東門之墠刺亂也男女有不待禮而相奔者也

風雨思君子也亂世則思君子不改其度焉

子衿刺學校廢也亂世則學校不脩焉

揚之水閔無臣也君子閔忽之無忠臣良士終以死



亡而作是詩也

出其東門閔亂也公子五爭兵革不息男女相棄民人思保其室家焉

野有蔓草思遇時也君之澤不下流民窮於兵革男女失時思不期而會也

溱洧刺亂也兵革不息男女相棄淫風大行莫之能救焉

### 齊風詩序

雞鳴思賢妃也哀公荒淫怠慢故陳賢妃貞女夙夜警戒相成之道焉

還刺荒也哀公好田獵從禽獸而無厭國人化之遂成風俗習於田獵謂之賢閑於馳逐之好焉

著刺時也時不親迎也

東方之日刺衰也君臣失道男女淫奔不能以禮化也

東方未明刺無節也朝廷興居無節號令不時挈壺氏不能掌其職焉

南山刺襄公也鳥獸之行淫乎其妹大夫遇是惡作詩而去之

甫田大夫刺襄公也無禮義而求大功不修德而求



諸侯志大心勞所以求者非其道也

盧令刺荒也襄公好田獵畢弋而不修民事百姓苦之故陳古以風焉

敝笱刺文姜也齊人惡魯桓公微弱不能防閑文姜使至淫亂爲二國患焉

載驅齊人刺襄公也無禮義故盛其車服疾驅於通道大都與文姜淫播其惡於萬民也

猗嗟刺魯莊公也齊人傷魯莊公有威儀技藝然而不能以禮防閑其母失子之道人以爲齊侯之子焉

### 魏風詩序

葛屨刺褊也魏地陘隘其民機巧趨利其君儉嗇褊急而無德以將之

汾沮洳刺儉也其君儉以能勤刺不得禮也

園有桃刺時也大夫憂其君國小而迫而儉以嗇不能用其民而無德教日以侵削故作是詩也

陟岵孝子行役思念父母也國迫而數侵削役乎大國父母兄弟離散而作是詩也

十畝之間刺時也言其國削小民無所居焉

伐檀刺貪也在位貪鄙無功而受祿君子不得進仕

爾



碩鼠刺重斂也國人刺其君重斂蠶食於民不修其政貪而畏人若大鼠也

唐風詩序

蟋蟀刺僖公也儉不中禮故作是詩以閔之欲其及時以禮自虞樂也此晉也而謂之唐本其風俗憂深思遠儉而用禮乃有堯之遺風焉

山有樞刺晉昭公也不能修道以正其國有財不能用有鍾鼓不能以自樂有朝廷不能洒掃政荒民散將以危亡四隣謀取其國家而不知國人作詩以刺之也

揚之水刺晉昭公也昭公分國以封沃沃盛彊昭公微弱國人將叛而歸沃焉

椒聊刺晉昭公也君子見沃之盛彊能修其政知其蕃衍盛大子孫將有晉國焉

綢繆刺晉亂也國亂則昏姻不得其時焉

杖杜刺時也君不能親其宗族骨肉離散獨居而無兄弟將爲沃所并爾

羔裘刺時也晉人刺其在位不恤其民也

鶉羽刺時也昭公之後大亂五世君子下從征役不得養其父母而作是詩也



無衣美晉武公也武公始并晉國其大夫爲之請命乎天子之使而作是詩也

有杕之杜刺晉武公也武公寡特兼其宗族而不求賢以自輔焉

葛生刺晉獻公也好攻戰則國人多喪矣

采芣刺晉獻公也獻公好聽讒焉

### 秦風詩序

車鄰美秦仲也秦仲始大有車馬禮樂侍御之好焉

駟驥美襄公也始命有田狩之事園囿之樂焉

小戎美襄公也備其兵甲以討西戎西戎方彊而征

伐不休國人則矜其車甲婦人能閔其君子焉

蒹葭刺襄公也未能用周禮將無以國其國焉

終南戒襄公也能取周地始爲諸侯受顯服大夫美

之故作是詩以戒勸之

黃鳥哀三良也國人刺穆公以人從死而作是詩也

晨風刺康公也亡穆公之業始棄其賢臣焉

無衣刺用兵也秦人刺其君好攻戰專用兵而不與

民同欲焉

渭陽康公念母也康公之母晉獻公之女文公遭驪姬之難未反而秦姬卒穆公納文公康公時爲太子



贈送文公于渭之陽念母之不見也我見舅氏如母存焉及其卽位思而作是詩也

權輿刺康公也忘先君之舊臣與賢者有始而無終也

### 陳風詩序

宛丘刺幽公也淫荒昏亂游蕩無度焉

東門之枌疾亂也幽公淫荒風化之所行男女棄其舊業亟會於道路歌舞於市井爾

衡門誘僖公也愿而無立志故作是詩以誘掖其君也

東門之池刺時也疾其君之淫昏而思賢女以配君子也

東門之揚刺時也昏姻失時男女多違親迎女猶有不至者也

墓門刺陳佗也陳佗無良師傅以至於不義惡加於萬民焉

防有鵲巢憂讒賊也宣公多信讒君子憂懼焉  
月出刺好色也在位不好德而說美色焉

株林刺靈公也淫乎夏姬驅馳而往朝夕不休息焉  
澤陂刺時也言靈公君臣淫于其國男女相說憂思



感傷焉

檜風詩序

羔裘大夫以道去其君也國小而迫君不用道好潔其衣服逍遙遊燕而不能自強於政治故作是詩也素冠刺不能三年也

隰有萋楚疾恣也國人疾其君之淫恣而思無情慾者也

匪風思周道也國小政亂憂及禍難而思周道焉

曹風詩序

蜉蝣刺奢也昭公國小而迫無法以自守好奢而任小人將無所依焉

候人刺近小人也共公遠君子而近小人也

鵲鳩刺不壹也在位無君子用心之不壹也

卜泉思治也曹人疾共公侵刻下民不得其所憂而思明王賢伯也

豳風詩序

七月陳王業也周公遭變故陳后稷先公風化之所由致王業之艱難也

鷓鴣周公救亂也成王未知周公之志公乃爲詩以遺王名曰鷓鴣焉



東山周公東征也周公東征三年而歸勞歸士大夫  
美之故作是詩也一章言其完也二章言其思也三  
章言其室家之望女也四章樂男女之得及時也君  
子之於人序其情而閔其勞所以說也說以使民民  
忘其死其惟東山乎

破斧美周公也周大夫以惡四國焉

伐柯美周公也周大夫刺朝廷之不知也

九罭美周公也周大夫刺朝廷之不知也

狼跋美周公也周公攝政遠則四國流言近則王不  
知周大夫美其不失其聖也

### 小雅詩序

鹿鳴燕羣臣嘉賓也既飲食之又實幣帛筐篚以將  
其厚意然後忠臣嘉賓得盡其心矣

四牡勞使臣之來也有功而見知則說矣

皇皇者華君遣使臣也送之以禮樂言遠而有光華  
也

常棣燕兄弟也閔管蔡之失道故作常棣焉

伐木燕朋友故舊也自天子至於庶人未有不須友  
以成者親親以睦友賢不棄不遺故舊則民德歸厚  
矣



天保下報上也君能下下以成其政臣能歸美以報其上焉

采薇遣戍役也文王之時西有昆夷之患北有獫狁之難以天子之命命將率遣戍役以守衛中國故歌采薇以遣之出車以勞還杖杜以勤歸也

出車勞還率也

杖杜勞還役也

魚麗美萬物盛多能備禮也文武以天保以上治內采薇以下治外始於憂勤終於逸樂故美萬物盛多可以告於神明矣

南陔孝子相戒以養也

白華孝子之潔白也

華黍時和歲豐宜黍稷也有其義而亡其辭

南有嘉魚樂與賢也太平之君子至誠樂與賢者共之也

南山有臺樂得賢也得賢則能爲邦家立太平之基矣

由庚萬物得由其道也

崇丘萬物得極其高大也

由儀萬物之生各得其宜也有其義而亡其辭



文紀 皇朝卷一  
蓼蕭澤及四海也

湛露天子燕諸侯也

菁菁者莪樂育才也君子能長育人材則天下喜樂之矣

六月宣王北伐也

鹿鳴廢則和樂缺矣四牡廢則君臣缺矣皇皇者華廢則忠信缺矣常棣廢則兄弟缺矣伐木廢則朋友缺矣天保廢則福祿缺矣魚麗廢則法度缺矣南陔廢則孝友缺矣白華廢則廉恥缺矣華黍廢則蓄積缺矣由庚廢則陰陽失其道理矣南有嘉魚廢則賢者不安下不得其所矣崇丘廢則萬物不遂矣南山有臺廢則爲國之基墜矣由儀廢則萬物失其道理矣蓼蕭廢則恩澤乖矣湛露廢則萬國離矣彤弓廢則諸夏衰矣菁菁者莪廢則無禮儀矣小雅盡廢則四夷交侵中國微矣

采芑宣王南征也

車攻宣王復古也宣王能內脩政事外攘夷狄復文武之竟土脩車馬備器械復會諸侯於東都因田獵而選車徒焉

吉日美宣王田也能慎微接下無不自盡以奉其上



焉

鴻鴈美宣王也萬民離散不安其居而能勞來還定安集之至于矜寡無不得其所焉

庭燎美宣王也因以箴之

沔水規宣王也

鶴鳴誨宣王也

祈父刺宣王也

白駒大夫刺宣王也

黃鳥刺宣王也

我行其野刺宣王也

斯干宣王考室也

無羊宣王考牧也

節南山家父刺幽王也

正月大夫刺幽王也

十月之交大夫刺幽王也

雨無正大夫刺幽王也雨自上下者也衆多如雨而非所以爲政也

小旻大夫刺幽王也

小宛大夫刺幽王也

小弁刺幽王也太子之傅作焉



巧言刺幽王也大夫傷于讒故作是詩也

何人斯蘇公刺暴公也暴公爲卿士而譖蘇公焉故蘇公作是詩而絕之

巷伯刺幽王也寺人傷于讒故作是詩也

谷風刺幽王也天下俗薄朋友道絕焉

蓼莪刺幽王也民人勞苦孝子不得終養爾

大東刺亂也東國困於役而傷於財譚大夫作是詩以告病焉

四月大夫刺幽王也在位貪殘下國構禍怨亂並興焉

北山大夫刺幽王也役使不均已勞于從事而不得養其父母焉

無將大車大夫悔將小人也

小明大夫悔仕於亂世也

鼓鍾刺幽王也

楚茨刺幽王也政煩賦重田萊多荒饑饉降喪民卒流亡祭祀不饗故君子思古焉

信南山刺幽王也不能脩成王之業疆理天下以奉

禹功故君子思古焉

甫田刺幽王也君子傷今而思古焉



大田刺幽王也言矜寡不能自存焉

瞻彼洛矣刺幽王也思古明王能爵命諸侯賞善罰惡焉

裳裳者華刺幽王也古之仕者世祿小人在位則讒諂竝進棄賢者之類絕功臣之世焉

桑扈刺幽王也君臣上下動無禮文焉

鴛鴦刺幽王也思古明王交于萬物有道自奉養有節焉

頰弁諸公刺幽王也暴戾無親不能宴樂同姓親睦九族孤危將亡故作是詩也

車牽大夫刺幽王也褒姒嫉妬無道並進讒巧敗國德澤不加于民周人思得賢女以配君子故作是詩也

青蠅大夫刺幽王也

賓之初筵衛武公刺時也幽王荒廢媒近小人飲酒無度天下化之君臣上下沈湎淫泆武公既入而作是詩也

魚藻刺幽王也言萬物失其性王居鎬京將不能以自樂故君子思古之武王焉

采芣刺幽王也侮慢諸侯諸侯來朝不能錫命以禮



數徵會之而無信義君子見微而思古焉

角弓父刺幽王也不親九族而好讒佞骨肉相怨故作是詩也

苑柳刺幽王也暴虐無親而刑罰不中諸侯皆不欲朝言王者之不可朝事也

都人士周人刺衣服無常也古者長民衣服不貳從容有常以齊其民則民德歸一傷今不復見古人也采綠刺怨曠也幽王之時多怨曠者也

黍苗刺幽王也不能膏潤天下卿士不能行召伯之職焉

隰桑刺幽王也小人在位君子在野思見君子盡心以事之

白華周人刺幽后也幽王取申女以爲后又得褒姒而黜申后故下國化之以妾爲妻以孽代宗而王弗能治周人爲之作是詩也

緜蠻微臣刺亂也大臣不用仁心遺忘微賤不肯飲食教載之故作是詩也

瓠葉大夫刺幽王上棄禮而不能行雖有牲牢饗餼不肯用也故思古之人不以微薄廢禮焉

漸漸之石下國刺幽王也戎狄叛之荆舒不至乃命



將率東征役久病于外故作是詩

召之華大夫閔時也幽王之時西戎東夷交侵中國師旅並起因之以饑饉君子閔周室之將亡傷已逢之故作是詩也

何草不黃下國刺幽王也四夷交侵中國背叛用兵不息視民如禽獸君子憂之故作是詩也

大雅詩序

文王文王受命作周也

大明文王有明德故天復命武王也

緜文王之興本由大王也

棫樸文王能官人也

旱麓受祖也周之先祖世脩后稷公劉之業太王王

季申以百福千祿焉

思齊文王所以聖也

皇矣美周也天監代殷莫若周周世世脩德莫若文

王

靈臺民附始也文王受命而民樂其有靈德以及鳥

獸昆蟲焉

下武繼文也武王有聖德復受天命能昭先人之功

焉



文王有聲繼伐也武王能廣文王之聲卒其伐功也  
生民尊祖也后稷生于姜嫄文武之功起于后稷故  
推以配天焉

行葦忠厚也周家忠厚仁及草木故能內睦九族外  
尊事黃耆養老乞言以成其福祿焉

既醉太平也醉酒飽德人有士君子之行焉

鳧鷖守成也太平之君子能持盈守成神祇祖考安  
樂之也

假樂嘉成王也

公劉召康公戒成王也成王將蒞政戒以民事美公  
劉之厚於民而獻是詩也

泂酌召康公戒成王也言皇天親有德饗有道也

卷阿召康公戒成王也言求賢用吉士也

民勞召穆公刺厲王也

板凡伯刺厲王也

蕩召穆公傷周室大壞也厲王無道天下蕩蕩無綱  
紀文章故作是詩也

抑衛武公刺厲王亦以自警也

桑柔芮伯刺厲王也

雲漢仍叔美宣王也宣王承厲王之烈內有撥亂之



志遇裁而懼側身修行欲銷去之天下喜於王化復行百姓見憂故作是詩也

崧高尹吉甫美宣王也天下復平能建國親諸侯褒賞申伯焉

烝民尹吉甫美宣王也任賢使能周室中興焉

韓奕尹吉甫美宣王也能錫命諸侯

江漢尹吉甫美宣王也能興衰撥亂命召公平淮夷常武召穆公美宣王也有常德以立武事因以爲戒然

瞻卬凡伯刺幽王大壞也

召旻凡伯刺幽王大壞也旻閔也閔天下無如召公之臣也

周頌詩序

清廟祀文王也周公既成洛邑朝諸侯率以祀文王焉

維天之命太平告文王也

維清奏象舞也

烈文成王卽政諸侯助祭也

天作祀先王先公也

昊天有成命郊祀天地也



我將祀文王於明堂也

時邁巡守祭告柴望也

執競祀武王也

思文后稷配天也

臣工諸侯助祭遣於廟也

噫嘻春夏祈穀于上帝也

振鷺二王之後來助祭也

豐年秋冬報也

有瞽始作樂而合乎祖也

潛季冬薦魚春獻鮪也

雝禘太祖也

載見諸侯始見乎武王廟也

有客微子來見祖廟也

武奏大武也

閔予小子嗣王朝於廟也

訪落嗣王謀于廟也

敬之羣臣進戒嗣王也

小毖嗣王求助也

載芟春籍田而祈社稷也

良耜秋報社稷也



絲衣繹賓尸也高子曰靈星之尸也

酌告成大武也言能酌先祖之道以養天下也

桓講武類禡也桓武志也

賚大封于廟也賚予也言所以錫予善人也

般巡守而祀四岳河海也

魯頌詩序

駟頌僖公也僖公能遵伯禽之法儉以足用寬以愛  
民務農重穀牧于坰野魯人尊之於是季孫行父請  
命于周而史克作是頌

有駟頌僖公君臣之有道也

泮水頌僖公能修泮宮也

閟宮頌僖公能復周公之宇也

烈祖祀中宗也

玄鳥祀高宗也

長發大禘也

殷武祀文祭也

端木賜

字子貢衛人孔子弟子

詩傳

周南

文王之妃妣氏思得叔女以共內職賦關雎子曰關



絲衣繹賓尸也高子曰靈星之尸也

酌告成大武也言能酌先祖之道以養天下也

桓講武類禡也桓武志也

賚大封于廟也賚予也言所以錫予善人也

般巡守而祀四岳河海也

魯頌詩序

駟頌僖公也僖公能遵伯禽之法儉以足用寬以愛

民務農重穀牧于坳野魯人尊之於是季孫行父請

命于周而史克作是頌

有駟頌僖公君臣之有道也

泮水頌僖公能修泮宮也

閟宮頌僖公能復周公之宇也

烈祖祀中宗也

玄鳥祀高宗也

長發大禘也

殷武祀文祭也

端木賜 字子貢衛人孔子弟子

詩傳

周南

文王之妃妣氏思得叔女以共內職賦關雎子曰關



雖哀而不傷樂而不淫能正其心則無怨嫉邪辟之  
思心正而身脩身脩而家齊家齊而國治國治而天  
下平故用之鄉人用之邦國其奏樂也必歌關雎以  
亂之所以風天下也詩之義六一曰風二曰賦三曰  
比四曰興五曰雅六曰頌關雎兼比興以賦而爲風  
之首焉是王化之本也

太姒將歸寧而賦葛覃子曰貴而能勤富而能儉疏  
而能孝可以觀化矣

周人美后妃之德終始婦道賦桃夭子曰宜其家人  
而後可以教國人見君子之修其身矣

周人慶文王之多男而賦鵲斯

周人美其公子之多仁也賦麟止

文王遣使求賢而閔行役之艱也勞之以卷耳

文王得良臣于野周人美之賦兔置

南國諸侯慕文王之德而歸心于周賦樛木

受辛無道商人慕文王而歸之賦汝墳

文王化行南國男女知禮詩人美人賦漢廣

文王之時萬民和樂童兒歌謠賦采芣

### 召南

公子歸于諸侯國人觀焉賦鵲巢



諸侯之夫人勤于窺蠶國人美之賦采芣

諸侯之夫人終容其媵也賦江有沱

大夫貞而能儉忠乎公室國史美之賦羔羊

內子勤于祭祀國史美之賦采蘋

召公宣布王命諸侯服焉賦殷其雷

南國之大夫聘于京師睹召公而歸心焉賦草蟲

小臣奉使而勤勞于公賦小星

虞人克舉其職國史美之賦騶虞

召南之人安於治

時擇

賦標有梅

楚人求昏而不能其禮女氏拒之賦楚有死麋

楚人強昏不得而訟女氏終拒之賦行露

召康公勤于勞民燕人懷之賦甘棠

魯

周公孫于魯殷人畔公憂王室勸王脩政以備之賦

鷓鴣

周公帥師征殷三年克之

士賦東山

周公居于魯魯人觀焉賦狼跋

周公歸于周魯人欲留之弗克賦九罭

周人思周公而賦伐柯

周人

賦破斧



僖公城楚丘以備戎史克頌之賦楚宮

僖公

賦駟

僖公獻捷于大廟史克頌之賦泮水

僖公燕飲而史克頌之賦有駜

僖公八年始用郊禘史克  
賦閟宮

邶

管未封于邶與蔡未霍未康未監殷四國害周公康  
未諫不聽三未遂以殷畔康未憂王室賦柏舟子曰  
仁矣吾於柏舟見匹夫之不可斂志也

管未將畔大夫諫之賦雄雉

管未以殷畔邶人風之賦匏有苦葉

管未以殷畔仕者苦之賦北門

邶之伶柬心乎王室賦柬兮

邶國危亂士民去之賦北風

良婦棄於夫賦谷風

寡婦欲去而子自訟焉賦凱風

時不尚德  
陳古以風之賦靜女

鄘

三未莠周公鄘人風之賦牆有茨

未處不義鄘人刺之賦相鼠



三未以殷畔遂伐衛鄘人從軍其妻念之賦伯兮  
鄘人美其君子不仕亂邦賦攷槃子曰見遯世而無  
悶矣

朋友相贈賦木瓜子曰見苞苴之禮行焉

子不孫鄘人刺之賦芄蘭

國亂民貧君子傷之賦有狐子曰見惻隱之仁焉  
女歸非禮衰而見棄鄘人刺之賦氓

### 衛

衛世子餘未立而卒共姜誓以守志賦栢舟

衛武公好學明德國人美之賦淇奧

武公好賢樂善國人美之賦干旄

衛莊公取于齊國人美之賦碩人

衛莊公之嬖人生州吁好兵莊姜憂之賦采芣

莊姜見怒於公賦終風

衛州吁弑其君桓公莊姜歸于齊賦日月

戴嬀歸于陳莊姜贈之于埜賦燕燕

州吁求寵于諸侯使公孫文仲帥師及宋公陳侯魯  
人蔡人伐鄭衛人怨之賦擊鼓

衛宣公納伋之妻國人惡之賦新臺

宣公殺其世子伋及母弟壽衛人傷之賦二子乘舟



宣姜不閑于禮衛人風之賦君子偕老

衛昭伯無禮于宣姜國人惡之賦韎之賁賁

公室無禮衛人刺之賦采芣

狄入衛衛戴公次于漕許穆姬閔之賦載馳

宋桓姬閔衛之破也賦泉水

宋桓姬之媵和其小君之賦賦竹竿

宋桓姬歸于衛思襄公賦河廣

狄侵黎黎侯出奔衛衛穆公不禮焉黎人怨之賦旄

丘

黎大夫勸其君以歸國賦式微

衛靈公召子都于宋國人譏之賦蝮蝮

王

王世子宜曰弑其君幽王自立于維尹伯封過西都

而傷之賦黍離

荆伐申平王以周師戍申周人怨之賦揚之水

戍者不歸室家思怨賦君子于役

平王之族流散而賦葛藟

東遷學廢君子傷之賦子衿

桓王好兵士卒苦之賦何艸不黃

周人從征賦嘽嘽之石



周人從軍室家念之賦采芣

周人行役而訊其室家賦大車

齊襄公

王周人恥之賦何彼穠矣

王棄賢大夫風之賦唐棣

留子賢而退隱周人慕之賦丘中

王好讒大夫憂之賦采芣

大夫 周人諫之賦無將大車

王好音大夫風之賦君子陽陽

民適異國

賦黃鳥

士就親戚而莫之恤賦我行其埜

王室亂人不 生賦茗之萼

京師饑民流 怨賦中谷

萇弘忠於 晉趙鞅殺之周人傷之賦有兔

齊

齊大夫相戒以勤于公賦東方未明

襄公好田大夫風之賦盧

齊俗習於田賦營

公子小白適莒齊人慕之賦丰

魯桓公會襄公于濼遂與夫人姜氏如齊齊人刺之

賦敝笱



襄公留姜氏于齊魯桓公不能制齊人刺之賦南山  
襄公伐衛姜氏會之于師齊人刺之賦載毆  
魯莊公會齊大夫狩于禚齊人譏之賦猗嗟  
齊桓公相筦仲以匡天下齊人美之賦風雨  
桓公好內衛姬箴之賦雞鳴  
莊公無禮齊人刺之賦東方之日  
景公欲求諸侯大夫風之賦甫田  
齊俗昏禮不窺君子譏之賦著

魏

魏之君子

美之賦伐檀

魏之君子

之間

魏之君子訓民孝弟賦杖杜

魏人

賦陟岵

魏人憂其國

賦園有桃

魏人困於

其國賦碩鼠

魏人苦於征

賦鶉羽

魏之內子

怨之賦葛屨

唐

唐

賦蟋蟀

唐侯

賦山有樞



曲沃盛

憂之賦茱聊

曲沃盛彊

賦錫之水

曲沃稱弒其三君僖王命為晉其侯唐人刺之賦無衣

晉人久於從

賦葛生

晉獻公好讒

賦采芩

晉文公好賢

賦杕杜

曰季遇卻缺于冀薦于文公

人美之賦埜有蔓草

晉大夫賢

美之賦羔裘

晉大夫

譏之賦彼汾

晉亂民窮

傷之賦綢繆

曹

曹未振

之賦鳴鳩

曹之君

賦下泉

曹

賦蜉蝣

曹

賦候人

鄆

鄆君

之賦羔裘

鄆之君子

賦匪風

鄆人困于

賦萋楚



喪紀不終

賦素冠

鄆人兄弟相棄

賦錫之水

鄆人夫婦相棄

賦大路

鄭

鄭武公養賢而賦緇衣子曰於緇衣見好賢之至也  
鄭莊公封弟段于京祭足諫之不聽大夫風之賦將  
仲子

大未段多才而好勇鄭人愛之賦未于田

段不義而得衆鄭人歸之賦大未

鄭世子忽辭昏於齊祭仲諫之賦有女同車

公子五爭齊楚交代鄭國大亂其臣謀欲諫而救之

賦籜兮

鄭文公使高克禦狄于境不召師潰大夫憂之賦清  
人

鄭靈公棄其世臣而任狂狡子良憂之賦扶胥

子良諫用狂狡靈公不聽將去其國賦麥秀

子良去國不忘諫君賦褰裳

鄭靈公好倡國人化 子譏之賦溱洧

子皮爲政忠直文武子產美之賦羔裘

夫婦相戒以勤生樂善 美之賦女曰雞鳴



鄭有貞士宜其

俗賦出其東門

陳

陳

賦宛丘

陳之

賦衡門

陳靈公如夏氏

之賦株林

孔寧儀行父從君

泄冶刺之賦墓門

靈公聽讒囚泄冶內子憂之賦防有鵲巢

陳殺其大夫泄冶

傷之賦澤陂

陳

賦東門之枌

陳

之賦東門之池

朋友

賦東門之楊

朋友

賦月出

秦

秦襄公以王命征戎周人赴之賦無衣

襄公遣大夫征戎而勞之賦小戎

襄公伐戎初命為秦伯國人榮之賦車鄰

襄公克戎始取周地秦人矜之賦終南

襄公始有田圃之事秦人喜之賦駟騏

晉重耳入于晉秦穆公送之賦渭陽

康公葬穆公以子車氏三子殉秦人哀之賦黃鳥



君子隱于川上

慕之賦蒹葭

賦晨風

賦權輿

小正

周公制作禮樂用之燕喜有小正焉

雀鳴 所以脩身也

鹿鳴伐木青莪隰桑白駒皆所以燕賢也

常棣燕兄弟也

頰鼻燕親戚也

魚麗嘉魚鮑葉皆所以燕大臣也

南山有臺天保大臣所以報王也

煌華遣使臣也

四牡勞使臣之勤也

杕杜勞戍也

邠風陳農政也

南山楚茨甫田皆所以勸農也

大田農夫所以報上也

斯干落親宮也

鴻鴈懷流人也

蓼蕭常常者芼湛露彤弓桑扈采芣皆燕諸



侯也

瞻彼洛矣鴛鴦魚藻皆諸侯所以報天子也

子曰凡爲天下國家有九經脩身則道立尊賢則不惑親親則諸父昆弟不怨敬大臣則不眩體羣臣則士之報禮重子庶民則百姓勸來百工則財用足柔遠人則四方歸之懷諸侯則天下畏之斯周道之所以正乎

小正續

宣王中興而小正續焉

六月北伐也

出車勞將帥也

采薇勞師也

采芑南征也

黍苗城申也

車工吉日閱武也

庭燎勤政也

沔水念亂也

無羊考牧也

車牽樂親昏也

小正傳



昭王南

大夫憂之賦鼗鐘

圻招

道穆王西征祭公述民怨以諫賦圻招

懿王之

勞於王事賦北山

王之時大夫避

賦綿蠻

厲王信讒大夫憂之賦青蠅

厲王之時諸侯勞

賦小東

厲王不禮于諸侯

相戒以避之賦苑柳

厲王出居于彘

賦小明

尹伯奇

後母鄰大夫閔之賦小弁

幽王

賦巷伯

大夫傷於讒賦巧言

大

賦小旻

相戒賦鳴鳩

申后

賦白芻

兄弟不

之賦角弓

皇父專政

賦十月之交

思

母賦蓼莪

衛武公

賦賓之初筵

衛武

賦懿戒

賦四月



西周喪退

大夫傷之賦正月

王室播遷大

臣閔之賦雨無其極

桓王伐鄭

家父諫之賦節

朋友

之賦谷風

君子懷

賦都人士

大正

周公制

會朝受

有大正焉文

王

生民公劉緜大明域樸旱麓思齊王矣靈臺大武文  
王有聲行葦既醉鳧鷖嘉樂皆周  
德以訓成

王也洞酌

王也

大正續

宣王中興而大正續焉雲漢

高

伯

伯也韓奕

漢平

也

大正傳

召穆公諫

賦蕩

賦桑柔

戒

賦民勞

賦板



賦瞻印

賦召旻

周頌

周公

天之命 清 思

文

廟 將

文

烈

鷺

子

時邁

賚

般

頌武

載見

瞽台

寢廟

成

朝

朝于

之

之也

也

祀成王 堂

臣工

競競

成康

報

也

商頌

宋公孫正

邠烈祖祀成湯也長發



文紀  
大禘也玄鳥

殷武祀高宗也

皇霸文紀卷第七

